

2nd Quarter
4th Summative Test in Filipino

Alamat ng Pinya

Noong unang panahon may nakatirang mag-ina sa isang malayong pook. Ang ina ay si Aling Rosa at ang anak ay si Pinang. Gusto ng ina na matuto si Pinang ng mga gawaing bahay, ngunit laging ikinakatwiran ni Pinang na alam na niyang gawin ang mga itinuturo ng ina.

Isang araw nagkasakit si Aling Rosa. Nagtagal ang sakit ni Aling Rosa kaya't napilitang si Pinang ang gumagawa sa bahay. Isang araw, sa kanyang pagluluto hindi niya makita ang posporo. Tinanong ang kanyang ina kung nasaan ito. Isang beses naman ay ang sandok ang hinahanap. Lahat ng bagay ay hindi niya makita at agad tinatanong ang kanyang ina.

Nainis si Aling Rosa sa katatanong ng anak kaya't nawika nito:
"Naku! Pinang, sana'y magkaroon ka ng maraming mata upang makita mo ang lahat ng bagay at hindi ka na tanong nang tanong sa akin."

Kinagabihan, wala si Pinang sa bahay. Nabahala si Aling Rosa. Hinanap niya si Pinang. Ngunit naglahong parang bula si Pinang. Hindi na nakita ni Aling Rosa si Pinang.

Isang araw, may nakitang halaman si Aling Rosa sa kanyang bakuran. Hindi niya alam kung anong uri ang halamang iyon. Inalagaan niyang mabuti hanggang sa ito'y magbunga. Ang bunga nito'y hugis-ulo ng tao at napapalibutan ng mata. Biglang naalaala ni Aling Rosa ang huli niyang sinabi kay Pina, na sana'y magkaroon ito ng maraming mata para makita ang kanyang hinahanap. Nagsisisi si Aling Rosa dahil tumalab ang kanyang sinabi sa anak. Inalagaan niyang mabuti ang halaman at tinawag itong Pinang, Sa palipat-lipat sa bibig ng mga tao ang pinang ay naging pinya.

A. Basahin o makinig ng mabuti sa alamat na babasahin ng iyong guro/magulang. Ayusin ang mga pangyayari ayon sa nangyari sa alamat. Ilagay ang bilang 1-5 sa loob ng kahon.

_____ Nawala si Pinang at hindi na nakita ni Aling Rosa kailanman.

_____ Nagkasakit si Aling Rosa at napilitan si Pinang na gumawa ng mga gawaing bahay

_____ Nainis si Aling Rosa dahil sa katatanong ni Pinang at nasabing "Sana'y magkaroon ka ng maraming mata upang makita mo lahat ng bagay."

_____ Sa isang malayong pook nakatira ang mag-ina na sila Aling Rosa at Pinang.

_____ Nagsisi si Aling Rosa sa kanyang mga nasabi. Inaalagaan niyang mabuti ang halaman at tinawag niya itong Pinang.

B. Anu-ano ang mga gagawin ni Mary bilang paghahanda bago siya kumain ng tanghalian? Ayusin ang mga larawan upang makabuo ng isang kwento. Ilagay ang 1-4 sa loob ng kahon.



C. Pantigin ang mga salita. Isulat ang sagot sa patlang. Pagkatapos, bilangin kung ilang pantig mayroon ito at isulat ang sagot sa loob ng bilog.

Halimbawa: ka-li-ni-san

4

kalinisan

_____  11) maligamgam

_____  12) panoorin

_____  13) itinanim

_____  14) sigurado

_____  15) tumatanggap